



Terenga 3: Hōtaka 45 – Kīwaha

He Mihi

Ko te reo aumihi tēnei o Ako e whakatopa atu nei ki a koutou. Kei a tātou te kawenga kia tū hei puananī i te ao nei. Ko tā te puananī, he rere i te hau, ka tukutuku i ngā kākano ki te whenua kia hua mai ai he tohetaka anō. Ko tā tātou he whakatō i te kākano o te aroha ki te reo ki roto i ngā whatumanawa o ētehi atu me kore e matomato te tupu o te māra o te reo ki tēnei whenua.

Hei Mahi Whakarongo

E whai ake nei ngā whakamahuki a te upoko whakahirahira o te hōngere o Te Reo, a Eru Morgan mō te rahi o ngā hāora pāho o taua hōngere. Anei ngā pātai hei whakautu mā koutou:

1. E hia ngā hāora pāho o te hōngere Te Reo i nāianei?
2. He aha ngā wawata o Eru mō ngā tau kei te heke mai?
3. He aha te kaupapa o te hōngere rā?

He Whakamārama

E tirohia ana tētehi kīwaha anō i te rangi nei.

Mā te aha...

Tēnā tirohia ēnei taurira:

Mā te aha i...

Hei whakamihī i te whakaaro, ahakoa he iti, he pēhea rānei.

1. Mā te aha i tēnā. *That's fine.*
2. Mā te aha i te whakaaro. *It's the thought that counts.*
3. Mā te aha i tō taenga mai. *Thanks for coming.*

Mā te aha i...

He wā anō ka tohu te kīwaha nei i te āhua pai o tētehi mea, arā, kāore i pērā rawa te pai.

1. Mā te aha. *Oh, good try.*
2. Mā te aha i te tū. *At least you gave it a go.*
3. Mā te aha i te kōwae kotahi. *One paragraph is something, at least.*

Hei Mahi

Whakapākehātia ēnei kōrero.

1. Rangi: He 'C-' taku māka mō taku whakamātautau.
Mere: Mā te aha i tēnā. Kāore i oti i a au.
2. Kamo: E te manuhiri, nau mai, haere mai. Tēnā koutou.
Kawe: Mā te aha i tēnā mihi.
Kamo: Kia ngāwari, e hoa. Kātahi anō ka tīmata tana ako i te reo Māori.

He Whakautu:

1. Rangi: I got a C- for my test.
Mere: That's better than nothing. I didn't complete.
2. Kamo: Visitors, welcome. Greetings to you all.
Kawe: Well that's a pretty basic greeting.
Kamo: Go easy, mate. He's just started learning the Māori language.